

# Ժողովուրդ

32  
(2698)

4 մարտի շաբաթ 2023  
տպագրության ԺԲ տարի


✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՈՉԻՆՉ ՉՏՎԱԾ ՄԵԿ ՏԱՐԻ



2022 թվականի մարտի 3-ին 71 կողմ ձայներով Վահագն Խաչատրյանն ընտրվեց Հայաստանի Հանրապետության նախագահի պաշտոնում: Փաստորեն, երեկ լրացավ Վահագն Խաչատրյանի՝ նախագահի պաշտոնում պաշտոնավարման 1 տարին, սակայն այս մեկ տարվա ընթացքում դժվար է անգամ մատների վրա հաշվել, թե ինչ հանրագուտ աշխատանք է կատարել Վահագն Խաչատրյանը: Նրա պաշտոնավարման մեկնարկից հետո Հայաստանը կրկին դժվարություններ է ունեցել՝ սեպտեմբերյան ագրեսիա, Լաչինի միջանցքի փակում եւ այլն, սակայն այդ իրադարձությունների ժամանակ, որպես երկրի նախագահ, նրա աշխատանքի արդյունքը չի գզացվել: Միակ բանը, որով թերեւս կարող ենք հիշել Վահագն Խաչատրյանի պաշտոնավարման մեկ տարին, սկանդալն էր, որում նա հայտնվեց նախորդ տարվա սեպտեմբերին: Խոսքը դրվագի մասին է, երբ Խաչատրյանը Մեծ Բրիտանիայի թագուհի Եղիսաբեթ Երկրորդի դագաղի մոտ լուսանկարվել էր, մի վայրում, որտեղ լուսանկարվելն արգելված է: Հողվածներում նշվում էր, որ նա ոչ միայն լուսանկարվել է, այլև բարձր շատախոսել է՝ առաջացնելով ներկայների գարմանքը: Իհարկե, Նյու Կարենոր գործունեությունն էլ վարչապետ Սիլվո Փաշինյանին քծնելու մեջ է: Միայն այս տարվա փետրվարի 10-ին, երբ նրանք հանդիպել են, նախագահի լրատվության վարչության ուղարկած հայտարարության մեջ ութ անգամ Խաչատրյանը շնորհակալություն էր հայտնում Փաշինյանին: Ահա թե ինչպես ենք ամփոփում Վահագն Խաչատրյանի պաշտոնավարման մեկ տարին:


«Հայաստան» խմբակցությունը երեկ շրջանառության մեջ է դրել Սահմանադրական դատարանի դատավոր Սեդա Սաֆարյանի լիազորությունները դադարեցնելու հարցով Սահմանադրական դատարան դիմելու մասին նախագիծը: Որպես Սեդա Սաֆարյանի լիազորությունները դադարեցնելու հիմք՝ նշվում է, որ վերջինս, խախտելով Սահմանադրական դատարանի դատավորի համար սահմանված անհամատեղելիության պահանջները, ձեռնարկատիրությամբ է զբաղվել: Որպեսզի ընդդիմության հեղինակած նախագիծը մտնի ԱԺ լիազումար Նիստերի օրակարգ, այն նախ պետք է երկշաբաթյա ժամկետում արժանանա ԱԺ պետաիրավական հանձնաժողովի հավանությանը, իսկ որպեսզի ԱԺ-ն Սեդա Սաֆարյանի լիազորությունները դադարեցնելու համար պաշտոնապես դիմի ՍԴ, պետք է նախագիծն ընդունվի պատգամավորների ձայների 3/5-ով, այսինքն՝ անհրաժեշտ է լինելու 65 ձայն: Հաշվի առնելով, որ ընդդիմադիր երկու խմբակցությունները միասին ունեն 35 ձայն, ԲԴ-ականները եւս պետք է կողմ քվեարկեն: «Ժողովուրդ» օրաթերթին ԱԺ պետաիրավական հանձնաժողովի ԲԴ-ական անդամներն ասացին, որ դեռ չեն քննարկել այս հարցը, վերջնական որոշում չունեն, բայց առավել հակված են հավանություն չտալ Սեդա Սաֆարյանի լիազորությունները դադարեցնելու վերաբերյալ որոշման նախագծին: Ի վերջո, Սեդա Սաֆարյանին հենց ԲԴ-ն է գործուղել ՍԴ, վերջինս իշխանության «սրտի դատավորն» է, ուստի առավել հավանական է, որ ԲԴ-ականները չեն միանա ընդդիմության նախագծին: ԲԴ-ականները տարբեր առիթներով հայտարարում են, թե Սեդա Սաֆարյանի արարքի մեջ որեւէ հանցակազմ չկա: Ստացվում է՝ իշխանությունը եւս հովանավորում է ՍԴ դատավորի ապօրինությունները:



Գյումրու փոխքաղաքապետի պաշտոններից մեկը 5-6 ամիս է՝ թափուր է: Նախկինում այդ պաշտոնը զբաղեցնում էր Դավիթ Առուշանյանը, որը նախորդ տարի հոկտեմբերին հրաժարական տվեց եւ գործուղվեց խորհրդարան. այժմ ԲԴ խմբակցության պատգամավոր է: Գյումրու ավագանու ԲԴ խմբակցության ղեկավար Զարուհյունյանը «Ժողովուրդ» օրաթերթին հայտնեց, որ ԲԴ-ն փոխքաղաքապետի պաշտոնում առաջադրել է Գյումրու ավագանու ԲԴ խմբակցության անդամ Վահագն Սկրտչյանի թեկնածությունը, եւ առաջիկա ավագանու Նիստում, քաղաքապետի ներկայացմամբ, ավագանու ընդհանուր թվի ձայների մեծամասնությամբ վերջինս կընտրվի փոխքաղաքապետ: «Ժողովուրդ» օրաթերթի՝ Գյումրու աղբյուրները հայտնեցին, որ Վահագն Սկրտչյանը վարչապետի տիկնոջ՝ Աննա Հակոբյանի մորաքրոջ թոռն է: Գյումրիից մեր գրուցակիցը նշեց, որ վերջինս գյումրեցիներին ոչնչով հայտնի չէ, մինչ այս քաղաքական գործունեություն չի ծավալել, մասնագիտությամբ ատամնաբույժ է, ավելին՝ Գյումրու ավագանու ԲԴ խմբակցության ամենապատիվ անդամներից է: «ԲԴ-ում կարդային սով է, թեկնածու չունեն, փոխքաղաքապետի պաշտոնն էլ թափուր է: Որպեսզի ինչ-որ մեկին լավություն անեն, որոշել են իրենց ազգականին լավություն անեն»,-ասաց մեր գրուցակիցը: Ի դեպ, Գյումրու մյուս փոխքաղաքապետը Արթուր Պապիկյանն է, ով ՊՆ նախարար Սուրեն Պապիկյանի հորեղբոր թոռն է, նաեւ՝ նախկին զինվորական:



ՀՀ կառավարությունը շարունակում է պրակտիկան, երբ ընդդիմադիր խմբակցությունների պատգամավորների առաջարկները չեն ընդունվում եւ մնում են թղթի վրա: «Ժողովուրդ» օրաթերթը գրել էր, որ Ազգային ժողովը երկրորդ ընթերցմամբ եւ ամբողջությամբ ընդունեց ՀՀ կառավարության կողմից ներկայացված «Դատախազության մասին» օրենքում փոփոխություններ եւ լրացումներ կատարելու մասին» օրենքի նախագիծը: Օրենսդրական այս փոփոխության արդյունքում Դատախազությունը լիազորված կլինի համայնքային շախերի պաշտպանության հայց հարուցել դատարան, այդ թվում՝ վիճարկել համայնքների ղեկավարների այն հրամաններն ու որոշումները, որոնց արդյունքում օտարվել են համայնքային սեփականություն հանդիսացող զբոսայգիները, պուրակները, մանկապարտեզներն ու այլ անշարժ գույքերը: Ասել է թե՛ տեղական ինքնակառավարում ասվածը հոգս է ցնդելու: Եվ, ահա, այս նախագծի վերաբերյալ առաջինից երկրորդ ընթերցում ընդդիմադիր «Հայաստան» խմբակցությունը ներկայացրած է եղել 10-ից ավել առաջարկ, որոնք բոլորն էլ չեն ընդունվել, այնինչ կառավարության բոլոր առաջարկներն ընդունվել են, եւ համապատասխան փոփոխություններ են կատարվել: Յուրաքանչյուր անգամ առաջարկը ընդունելու տարբեր պատճառաբանություններ են բերվել, սակայն փաստն այն է, որ ընդդիմադիրների հետ չհամագործակցելու պրակտիկան ԱԺ-ում շարունակվում է:



ՔԱՂԱՔԱԿԱՆ

ՈՏՔԻ Է ԿԱՆԳՆԵԼ

ԱԴԻԲԵՉԱՆԸ ՊԱՐՏԱՎՈՐ Է ԲԱՅԵԼ ՄԻՉԱՆՅՔԸ

«Ճողովուրդ» օրաթերթն Արցախում ստեղծված իրավիճակի եւ Լաչինի միջանցքի բացման շուրջ սարկող բանակցությունների վերաբերյալ գրուցել է ԱԾ «Քաղաքացիական դայմանագիր» խմբակցության դասգամավոր Հակոբ Ասլանյանի հետ:



-Պարոն Ասլանյան, տեսական ժամանակ է՝ մամուլը գրում է, որ Լաչինի միջանցքն առաջիկայում բացվելու է, փոխարենը՝ անցակետեր են տեղադրվելու ճանապարհի այդ հատվածում: Դուք ի՞նչ տեղեկություններ ունեք, համապատասխանում են այս տեղեկությունները իրականությանը:

-Լաչինի միջանցքը պետք է բացվի, որովհետեւ Ադրբեջանն ուղղակիորեն չի կարող չբացել. եթե Ադրբեջանը շարունակի մնալ 20-րդ դարի մտածողության մեջ, ապա ամբողջ աշխարհի հետ պրոբլեմներ կունենա: Այսօրվա իրավիճակը 100 տարի առաջվա իրավիճակը չէ, որ մարդիկ ինչ ցանկանան, անեն, ու դա ծածկված մնա. ժամանակի ընթացքում ամեն ինչ պարզվում է: Ակնհայտ է, որ միջանցքի բացման համար Ադրբեջանը պրետենզիա տակ է, այս բանակցությունները գալիս են ապացուցելու, որ, ուզի-չուզի, Ադրբեջանը պետք է բացի ճանապարհը: Ինչ վերաբերում է անցակետի տեղադրմանը, դա դեռ հարց է, քանի որ Հազարյանի դատարանի որոշման մեջ չկա, որ Ադրբեջանը պետք է բացի միջանցքը, դրա փոխարեն իրավունք ունի անցակետ տեղադրել: Այստեղ պարզ ասվում է միայն, որ պարտավոր է բացել ճանապարհը, իսկ թե ոնց կփորձի մանիպուլացնել այս ամենը, դա դեռ ապագայի հարց է:

-Պարոն Ասլանյան, ձեր քաղաքական թեմի հասցեին հնչող հիմնական մեղադրանքը հանրության եւ ընդդիմադիրների կողմից, այն է, որ ձեռքերը վազել են Արցախից, բավարար ջանքեր չեք գործադրում միջանցքի բացման համար. ինչպե՞ս կարծազանքեք այս մեղադրանքներին, Դուք բավարար գնահատում եք այս ուղղությամբ տարվող աշխատանքը:

-Մի կողմից՝ ասում են, որ Լաչինի միջանցքը բացվելու է, մյուս կողմից՝ ասում են՝ իշխանությունը ոչինչ չի ձեռնարկում; Բա եթե ոչինչ չի ձեռնարկվում, ինչպե՞ս է ստացվում, որ բացվում է ճանապարհը: Միջազգային հանրությունը կամ Հազարյանի դատարանը հենց այնպես ելավ ընկնելու որոշեց նման վճիռ կայացնել: Ինչո՞ւ մարդիկ չեն ուզում տեսնել, թե ինչ մեծ աշխատանք է տարվել, որպեսզի Հայաստանի բողոքը ընդդեմ Ադրբեջանի, ընկնի այդ բարձր ինստիտուտում: Ի վերջո, հայաստաստ որոշում է կայացվել. ինչպե՞ս ստացվեց, որ իշխանությունները ոչինչ չեն անում: Հստակ, քայլ առ քայլ մաքրվում է կեղծիքի դաշտը, եւ ամեն մարդու երեսը երեւում է, այդ թվում՝ նաեւ Ադրբեջանի:

-Ձեր թիմակիցները պարբերաբար հայտարարում են, որ Հայաստանը չպետք է խառնվի բանակցություններում, Ստեփանակերտը եւ Բաքուն առանձին պետք է բանակցեն. կիսում եք նրանց այս տեսակետը:

-Մենք հիմա գալիս ենք նրան, որ միջազգային հանրությունը մեր պահանջների մեջ չի տեսնում Ադրբեջանի տարածք գրավելու գաղափար: Հայաստանը հարց է բարձրացնում Արցախում ապրում է շուրջ 120.000 հայություն, որն իրավունք ունի միջազգային օրենքներով ազատ եւ ապահով կյանք ունենալ: Այդ ժողովուրդը հիմա ոտքի է կանգնել եւ ուզում է պաշտպանվել, անկախ ու անվտանգ ապրել: Մյուս մանիպուլացիաները թող մի կողմ դնեն: Արցախը եւ Արցախի ժողովուրդը պետք է պայքարեն, իսկ մենք բոլոր հարցերում Արցախի ժողովրդի կողքին ենք՝ անկախ այն ամենից, ինչ կխոսեն:

Զրույցը ԶՐԻՍՏԻՆԵ ՄՈՒՇԵՂՅԱՆԸ



ԿՈՒՆԵՆԱ ՏԵՂԱԿԱԼ

Մրցակցության պաշտպանության հանձնաժողովի նախագահն այսուհետ կունենա նաեւ տեղակալ: Մասնավորապես, հանձնաժողովն առաջարկում է փոփոխություն կատարել «Տնտեսական մրցակցության պաշտպանության մասին» 2000 թվականի նոյեմբերի 6-ի օրենքում եւ ամրագրել այդ դրույթը:

ArmLur.am-ը նախագծի հիմնավորումից տեղեկանում է, թե այս օրենքում ինդրահարույց կետեր կան: Օրինակ՝ օրենքում չկա հնարավորություն Մրցակցության պաշտպանության հանձնաժողովի նախագահին փոխարինելու մասին: Ամրագրված է, որ հանձնաժողովի նախագահին իր իրավասության սահմաններում ներկայացնում է հանձնաժողովը Ազգային ժողովի, Կառավարության, կոմիտեի նիստերին կամ այլ աշխատանքին քննարկումներին: Նման պայմաններում վերջինիս արձակուրդի կամ գործուղման դեպքում անհնար է դառնում տվյալ նիստերին կամ քննարկումներին մասնակցությունը հանձնաժողովի նախագահին ժամանակավոր փոխարինող այլ անդամի կողմից:

Օրենքի գործող կարգավորումներով՝ հանձնաժողովի նախագահի կողմից իր իրավասության առնչվող հարցերի վերաբերյալ միջազգային ոչ պարտադիր բնույթի փաստաթուղթ, այդ թվում՝ հուշագիր ստորագրելու իրավասությունն իրականացվում է որպես օրենքով իրեն վերապահված այլ լիազորությունների շրջանակում: Անհրաժեշտություն է առաջացել ուղղակիորեն նախատեսել հանձնաժողովի նախագահի կողմից իր իրավասության առնչվող հարցերի վերաբերյալ միջազգային ոչ պարտադիր բնույթի փաստաթուղթ, այդ թվում՝ հուշագիր ստորագրելու առանձին հիվեր:

ՆՈՐ ՈՐՈՇՈՒՄ

ՀՀ վերաքննիչ քրեական դատարանը, ՀՀ լավագույն դատավորներից Ա. Վարդանյանի նախագահությամբ, բավարարեց ներկայացված հատուկ վերանայման բողոքը եւ արձանագրեց, որ ՀՀ վարչապետին ուղեկցող շարասյան ավտոմեքենայի վարորդի կողմից Սոնա Մնացականյանին վրատերի ենթարկելու դեպքով միջոցառման կարգավորման ընթացքում խախտվել են տուժողի իրավահաջորդ Մնացական Մնացականյանի իրավունքները եւ իրավաչափ շահերը՝ շարասյան ղեկավար եւ պատասխանատու կազմի պաշտոնատար անձանց արարքների քրեաիրավական գնահատման կապակցությամբ պատշաճ քննություն չկատարելու իմաստով:

«Բազմիցս նշել եմ, որ այս դեպքով իրականացվել է ուղղորդված նախաքննություն, բացահայտ նպատակներով «անհետացվել» է շարասյան ավտոմեքենաներում օգտագործված ռադիոկապի ձայնագրությունը: Նաեւ չեն բացառում, որ իշխանությունը փորձելու է ՀՀ վճռաբեկ դատարանի միջոցով բեկանել այս դատական ակտը եւ, ի վերջո, փակել իր համար խցելի թեման (քանի որ մեր հասարակության հիշողության աստիճանը լավ են «չափել»), իսկ անկախ դատավորին, տարանդակվող իրավաբանին դարձնել ԲԴԻ կոչված՝ իրավունքի, իրավաբանության կառավարանի հերթական թիրախ»,- հայտնեց փաստաբան Ռաֆֆի Ասլանյանը:

ԴԺԳՈՐ Է

ՊԱՊԻԿՅԱՆԻՆ ՀՐԱԺԵՇՏ ԿՏԱՆ

Այս օրերին իշխանության վերնախավում բուռն կերպով ֆննարկվում է ՀՀ դաշտայնության նախարար Սուրեն Պապիկյանի հարցը: Ավելին՝ իշխանական վերնախավում արդեն հսակ որոշված է, որ նախարար Սուրեն Պապիկյանը հեռանալու է դաշտից:



Մեր աղբյուրները հայտնում են, որ Սուրեն Պապիկյանի հեռանալ-չհեռանալու հարցը բուռն կերպով քննարկվում է նաեւ «Քաղաքացիական պայմանագիր» խմբակցության ներսում: Այս հարցում խմբակցության եւ կուսակցության ներսում կարծիքները տարբեր են, եւ ԶՊ-ականներից ոչ բոլորն են կողմակից, որ Սուրեն Պապիկյանը լքի իր պաշտոնը, սակայն բոլորն էլ հասկանում են, որ դա անձամբ ՀՀ վարչապետ Նիկոլ Փաշինյանը պետք է որոշի:

Փաշինյանը ոչ մի կերպ չի կարողանում Սուրեն Պապիկյանին ներել «Քաղաքացիական պայմանագիր» կուսակցության վարչության կեղծված ընտրություններ կազմակերպելու համար: Ավելին՝ հենց Պապիկյանին է նա համարում այդ ընտրությունների գլխավոր մեղավորը: Ինչպես հայտնի է, ԶՊ ղեկավար մարմնի ընտրությունների արդյունքերը

սխալ էին հաշվարկվել, եւ ստացված դիմումի հիման վրա՝ իրականացվել էր քվեաթերթիկների վերահաշվարկ: Արդյունքում վարչության կազմից դուրս էին մնացել իշխող խմբակցության ղեկավար Հայկ Կոնջորյանը եւ նախկին փոխվարչապետ Համբարձում Մաթեոսյանը, փոխարենը նոր վարչության կազմում ընդգրկվել էին պատգամավոր Արսեն Թորոսյանը եւ ԱԻՆ նախարար Արմեն Փամբուխչյանը:

Եվ, ահա, այս ընտրություններից հետո Նիկոլ Փաշինյանը որեւէ կերպ չի ցանկացել շփվել Սուրեն Պապիկյանի հետ: Այս ընթացքում կուսակցությունը նախարարի փնտրությունների մեջ է: Թե այս ամենը ինչ էլք կունենա, դեռեւս ոչ ոք չի կարող ասել. փաստ է, որ ամիսներ է՝ Փաշինյան-Պապիկյան երբեմնի ամենամտերիմ, ամենազերմ փոխհարաբերություններն արդեն չկան:

ՆԱԻՐԱ ՀՈԿՅԱՆՆԻՍՅԱՆ

ԻՐԱՎԻՃԱԿ

ՄԱՆՐԱՄԱՍՆԵՐ

ԲԱՆԱԿՑՈՒԹՅՈՒՆՆԵՐԸ ԵՐԵՔ ՈՒՂՂՈՒԹՅԱՄԲ ԵՆ

ՔԱՇՔՈՒԿ՝ ԱՂԱԶԱՐՅԱՆԻ ԵՒ ՎԱՃԱՌՈՂԻ ՄԻՋԵՒ

Արաբկիր վարչական շրջանի Տիգրանյան փողոցում երեկ միջադեպ է տեղի ունեցել «Քաղաքացիական պայմանագիր» խմբակցության պատգամավոր Յովիկ Աղազարյանի մասնակցությամբ: Պատգամավորը եւ այդ փողոցում կարտոֆիլ վաճառողը քաջքշել են միմյանց, ինչից հետո նրանց կանչել են ոստիկանություն՝ բացատրություն տալու: Աղազարյանն ասաց, որ ինքը հանցագործության մասին հաղորդում է ներկայացրել Ոստիկանություն: «Ես Տիգրանյան փողոցով երթեցելիս նկատեցի, որ փողոցի մի հատվածում մեքենա կա կանգնած, առետուր էին անում, կարտոֆիլ էին այդտեղ վաճառում, կանգնեցի ու փորձեցի ճշտել՝ թե ումն է, ով է վաճառում, մոտեցավ մի տղամարդ, կոպիտ սկսեց խոսել, ասաց՝ իմ կարտոֆիլն է, ես եմ վաճառում, իմ երեխաների հացն է: Ես էլ ասացի՝ քո երեխաների հացն է, բայց փողոց ես փակում, երթեցելություն ես խանգարում, վթարային իրավիճակ ես ստեղծում, կարող է վտանգավոր միջադեպ լինի, ուրիշի երեխան ընկնի մեքենայի տակ. ինչո՞ւ կարտոֆիլը չես վաճառում այնտեղ, որտեղ թույլատրվում է: Քաջքշոց եղավ, հետո ոստիկաններն եկան ու տարան, ես էլ ոստիկանությունում բացատրություն տվեցի»,-պատմեց պատգամավորը:

ՀԱՏԱԳԱՐՉՈՒՄ ԵՆ

Պաշտոնական Ստեփանակերտը հայտարարում է, թե Բաքվի ներկայացուցիչների հետ տեղի ունեցած հանդիպմանը Արցախի կարգավիճակին վերաբերող հարցեր չեն քննարկվել: Արցախի արտգործնախարարությունից նաեւ հայտնում են, որ նման ձեւաչափով շփումները չեն կարող փոխարինել լիարժեք խաղաղ բանակցություններին: Կառույցը շարունակում է՝ հակամարտության կարգավորման համար անհրաժեշտ է վերականգնել միջազգային միջնորդական ձեւաչափը: Նկատենք՝ Բաքուն այլ կերպ է ներկայացնում հանդիպումը: Նրանք հայտարարել են, թե քննարկել են Ադրբեյջանի Ղարաբաղի շրջանում ապրող հայերին Ադրբեյջանում ինտեգրելու հարցը՝ երկրի Սահմանադրությանն ու օրենքներին համապատասխան: Եվ առաջին անգամ նաեւ հայտարարվեց, թե Բաքուն Ղարաբաղում ապրող հայերի հետ շփումների պատասխանատու է նշանակել Միլի մեջլիսի պատգամավոր Ռամին Մամեդովը, որը բանակցություններից հետո վստահեցրել է՝ երկխոսությունը կայացած է: Արցախից Ադրբեյջանի հետ բանակցող են նշանակվել Արցախի Ան քարտուղար Սամվել Շահրամանյանն ու ռուսական խաղաղապահ զորախմբի հետ համագործակցության ապահովման կենտրոնի տնօրեն Սերգեյ Մարտիրոսյանը: Ադրբեյջանը Միլի մեջլիսի պատգամավոր Ռամին Մամեդովը, ըստ ադրբեյջանական լրատվամիջոցների, ծնվել է Մարտակերտում, սովորել է Շուշիի դպրոցում:

«Ադրբեյջանը մինչ այժմ չի կասարել Արդարադատության միջազգային դասարանի որոշումը, եւ Լաչինի միջանցով երթեկությունը շարունակում է մնալ խաթարված»։ Բեռլինում՝ Արսաֆին ֆաղաֆականության գերմանական խորհրդում, «Անվտանգությունը եւ կայունությունը՝ Հարավային Կովկասում. Հայաստանի հեռանկարը» թեմայով ֆեմարկման ժամանակ հայտարարել է վարչադես Նիկոլ Փաշինյանը:

Վարչապետն ընդգծել է, որ թեեւ բնական գազի մատակարարումը վերականգնվել է, սակայն էլեկտրաէներգիայի մատակարարումը Լեռնային Ղարաբաղ, որը դադարեցվել էր 2023 թվականի հունվարի 9-ին, դեռեւս չի վերականգնվել, սննդի մատակարարումները դեռեւս իրականացվում են կտրոններով, իսկ մարդիկ զրկված են հրատապ բժշկական օգնության հնարավորությունից:

Վարչապետի խոսքով՝ միայն Կարմիր խաչը եւ ռուս խաղաղապահները հնարավորություն ունեն սահմանափակ քանակությամբ սնունդ եւ կենսական նշանակության ապրանքներ հասցնել Լեռնային Ղարաբաղ, իսկ բժշկական շտապ միջամտության կարիք ունեցող մարդկանց՝ տեղափոխել Հայաստանի հիվանդանոցներ:

Հաագայի դատարանը փետրվարի 22-ին մասամբ բավարարեց Ադրբեյջանի դեմ միջանկյալ միջոց կիրառելու Հայաստանի դիմումը՝ պարտավորեցնելով Ադրբեյջանին մինչեւ «Հայաստանը՝ ընդդեմ Ադրբեյջանի» գործով վերջնական որոշման կայացումը ձեռնարկել բոլոր միջոցները՝ երաշխավորելու Լաչինի միջանցքով քաղաքացիների, տրանսպորտային միջոցների եւ բեռների՝ երկու ուղղություններով անխափան տեղաշարժը:

«Լեռնային Ղարաբաղի նկատմամբ Ադրբեյջանի աճող ագրեսիվությունը հստակեցնում է Ադրբեյջանի մտադրությունները՝ իրականացնելու հայերի էթնիկ գտումներ»։ հայտարարեց Փաշինյանը՝ հիշեցնելով Ադրբեյջանի նախագահ Իլհամ Ալիևի հայտարարությունը, թե Լաչինի միջանցքը բաց է այն հայերի համար, որոնք ցանկանում են լքել Ղարաբաղը:

ՕՐՎԱԿԱՆԱԿԱՐ

ՄԻՐԶՈՅԱՆԸ ԿՄԵՆԻ ՆՅՈՒՂԵԼԻ

Մարտի 3-4-ը ՀՀ ԱԳ նախարար Արարատ Միրզոյանն աշխատանքային այցով կգտնվի Նյու-Ղեյիում՝ մասնակցելու Հնդկաստանի՝ աշխարհաքաղաքականության եւ աշխարհատնտեսության թեմաներով առաջատար համաժողով «Ռախի-Նա երկխոսությանը»։ ԱԳՆ-ից հայտնում են, որ նախարար Միրզոյանը համաժողովի շրջանակներում, որպես բանախոս, կմասնակցի պանելային քննարկման, ինչպես նաեւ հանդիպումներ կունենա գործընկերների հետ:

ՈՂՋՈՒՆԵԼ Է ՀԱՅՏԱՐԱՐՈՒԹՅՈՒՆԸ

Արցախի նախագահ Արայիկ Հարությունյանը ողջունել է նախօրեին ՀՀ վարչապետի հետ ասուլիսի ընթացքում Գերմանիայի կանցլեր Օլաֆ Շուլցի արած հայտարարությունը: Կանցլերը նշել էր, որ Արցախի հարցը պետք է լուծվի Հայաստանի, Ադրբեյջանի տարածքային ամբողջականության, ինչպես նաեւ «Լեռնային Ղարաբաղի ժողովրդի ինքնորոշման իրավունքի սկզբունքի հիման վրա»:



Անդրադառնալով հայ-ադրբեյջանական բանակցություններին՝ Փաշինյանն ընդգծել է՝ Հայաստանի կառավարությունը դրսևտորել է քաղաքական կամք եւ վճռական քայլեր է ձեռնարկում Հարավային Կովկասում խաղաղության եւ կայունության նոր դարաշրջան բացելու ուղղությամբ՝ շեշտելով՝ Երեւանը կառուցողականորեն ներգրավված է Հայաստան-Ադրբեյջան բանակցություններում:

«Հայաստան-Ադրբեյջան բանակցային գործընթացն ընթանում է հետեւյալ երեք հիմնական ուղղություններով՝ համաձայնագիր՝ Հայաստանի եւ Ադրբեյջանի միջեւ հարաբերությունների կարգավորման մասին, տարածաշրջանում տրանսպորտային հաղորդակցությունների եւ տնտեսական կապերի ապաշրջափակում», - ասել է գործադիրի ղեկավարը՝ վերահաստատելով՝ Հայաստանը համաձայնել է տարանջատել ԼՂ հիմնախնդրի կարգավորումը հայ-ադրբեյջանական գործընթացից՝ այն տրամաբանությամբ, որ Ստեփանակերտի եւ Բաքվի միջեւ կծեւակորվի քննարկումների միջազգային մեխանիզմ:

Փաշինյանը վերահաստատել է Հայաստանի համար Լեռնային Ղարաբաղի հայերի անվտանգության եւ իրավունքների խնդիրների լուծմանն ուղղված երաշխիքային մեխանիզմի ստեղծման կարեւորությունը, որը կունենա միջազգային տեսանկյունից եւ ներգրավվածություն:

«Խաղաղության օրակարգն իմ պարտականությունն է, եւ ես կցանկանայի ադրբեյջանական հանրությունից եւս ստանալ որոշ աջակցություն», - հայտարարել է Հայաստանի վարչապետը՝ ելույթից հետո պատասխանելով ադրբեյջանցի ներկայացուցչի հարցին:

«Մենք միջազգային հանրության, մեր տարածաշրջանի ազգերի աջակցության կարիքն ունենք եւ պատրաստ ենք կրել այդ պատասխանատվությունը, մինչեւ որ կհասնենք վերջնական եւ կայուն խաղաղության: Եվ վերջերս ես հայտարարեցի մեր խորհրդարանում եւ կառավարությունում, որ ունեմ լիարժեք վճռականություն Ադրբեյջանի հետ խաղաղության պայմանագիր ստորագրելու հարցում, բայց դա չպետք է Հայաստանի համար կապիտուլյացիայի նմանվող փաստաթուղթ լինի: Դա պետք է մեր տարածաշրջանի համար իրական եւ հարատեւ խաղաղության փաստաթուղթ լինի, եւ ես պատրաստ եմ կրել այդ պատասխանատվությունը՝ հանուն խաղաղության, կայունության, տարածաշրջանային եւ միջազգային համագործակցության: Սա է այսօրվա մեր քննարկման իմ վերջնական եզրափակումը», - հայտարարել է Նիկոլ Փաշինյանը:

ՆԱԻՐԱ ՀՈՎՀԱՆՆԻՍՅԱՆ

ում Ռումինիայի արտակարգ եւ լիազոր դեսպան, Ն.Գ. պարոն Կորնել Իոնեսկուին եւ լիազոր նախարար Իոնել Իվանիս:

«Մենք ողջունում ենք Օլաֆ Շուլցի հայտարարությունը, որում նշվում է, որ հակամարտությունը պետք է կարգավորվի խաղաղ ճանապարհով՝ տարածքային ամբողջականության եւ Լեռնային Ղարաբաղի ժողովրդի ինքնորոշման իրավունքի հավասար սկզբունքների հիման վրա: Կարգավորումն անհնար է՝ առանց լիովին հաշվի առնելու մեր հիմնարար/կոլեկտիվ իրավունքները»,- գրել է Արցախի նախագահին իր թվիթերյան միկրոբլոգում:

Ռումինիայի դեսպանը ներկայացրել է իրենց երկրի՝ կոռուպցիայի դեմ պայքարում մասնագիտացած Ազգային հակակոռուպցիոն մարմնի գործառնություններն ու լիազորությունների շրջանակը՝ նշելով, որ Ռումինիան մեծ առաջընթաց է արձանագրել հատկապես բարձրաստիճան պաշտոնյաների կողմից կատարվող կոռուպցիոն հանցագործությունների քննության բնագավառում:

Դեսպան Իոնեսկուի խոսքով՝ Ռումինիայի ազգային հակակոռուպցիոն մարմինը թափանցիկ եւ հրապարակային աշխատանքի շնորհիվ այսօր վայելում է հանրության զգալի մասի վստահությունը:

Հանդիպման ընթացքում քննարկվել են նաեւ կոռուպցիայի դեմ պայքարում ավելի արդյունավետ միջոցառումների իրականացման, ինչպես նաեւ երկու երկրների հակակոռուպցիոն մարմինների միջեւ համագործակցային կապերի ձեւավորմանն ու փորձի փոխանակման հնարավորությունները, այդ թվում՝ փոխադարձ այցերի միջոցով:

ԸՆՆԱՐԿՈՒՄՆԵՐ՝ ԿՈՌՈՒՊՑԻԱՅԻ ՄԱՄԻՆ

ՀՀ հակակոռուպցիոն կոմիտեի նախագահ Սասուն Խաչատրյանն ընդունել է ՀՀ-

ՂԱՏԱԽԱԳՈՒԹՅՈՒՆ

ԳՈՐԾՆ ՈՒՂԱՐԿՎԵԼ Է ԴԱՏԱՐԱՆ

2023 թվականի մարտի 3-ին հսկող դատախազը մեղադրական եզրակացությամբ դատարան է ուղարկել Մրաբկի վարչական օրջանի ֆննչական բաժնի ֆննչի կողմից ենթադրյալ աղացույցներ կեղծելու վերաբերյալ ֆրեական վարույթը:

Դատախազությունից ArmLur.am-ին հայտնում են, որ ԱԱԾ քննչական դեպարտամենտում քննված քրեական վարույթի շրջանակում փաստական տվյալներ են ձեռք բերվել, որ քննիչ Ա.Ո.-ն, զբաղեցնելով Արաբկիր վարչական շրջանի քննչական բաժնի քննիչի պաշտոնը, իրականացրել է Քրեական օրենսգրքի 176-րդ հոդվածի 2-րդ մասի 1-ին եւ 2-րդ կետերով (կողոպուտ) հարուցված քրեական վարույթի նախաքննությունը: Վարույթի նյութերով պարզվել է, որ քննիչ Ա.Ո.-ն, որպես մեղադրյալ ներգրավման ենթակա անձի (անձանց) հայտնի չլինելու հիմքով, 2022 թվականի մարտի 31-ին կայացրել է նշված քրեական գործով վարույթը կասեցնելու մասին որոշում:

Այնուհետև դրա օրինականությունը ստուգելու նպատակով ուղարկել է նախաքննության օրինականության նկատմամբ հսկողություն իրականացնող դատախազին: Հսկող դատախազի կողմից քննիչին տրվել է քրեական գործով կասեցված վարույթը վերսկսելու, հանցանք կատարած անձանց ինքնությունները պարզելու նպատակով տուժողի դատերը՝ առերեսությամբ հանցավոր արարքի կատարման ակնատես վկային լրացուցիչ հարցաքննելու վերաբերյալ գրավոր ցուցում:

Ստանալով քրեական վարույթի նյութերը եւ դատախազի ցուցումը՝ այն իբրեւ կատարելու, հանցագործությունը բացահայտելու պատրանք ստեղծելու նպատակով քննիչ Ա.Ո.-ն վկայի տվյալներով կարգվել է լրացուցիչ հարցաքննության տպագիր արձանագրություն, շարադրել



նախորդ հարցաքննությանը հակասող բովանդակությամբ ցուցմունք՝ ներառելով կեղծ տեղեկություններ:

Այնուհետև քննությամբ դեռևս չպարզված անձը հարցաքննության արձանագրությունում վկայի փոխարեն ստորագրել է կատարել է «Ցուցմունքը տպագրվեց քննիչի կողմից, ճիշտ է, որի համար ստորագրում եմ» ձեռագիր գրառումը, իսկ քննիչ Ա.Ո.-ն իր ստորագրությամբ հաստատել է ապացուցողական գործողության արձանագրությունը:

2023 թվականի հունվարի 5-ին դատախազը Երեւան քաղաքի Արաբկիր վարչական շրջանի քննչական բաժնի քննիչի նկատմամբ հանրային քրեական հետապնդում հարուցելու որոշում է կայացրել՝ 18.04.2003 թվականին ընդունված ՀՀ քրեական օրենսգրքի 349-րդ հոդվածի 2-րդ մասով (քննիչի կողմից ապացույցներ կեղծելը): Որպես խափանման միջոց ընտրված է պաշտոնավարման կասեցումը եւ բացակայելու արգելքը:

ԿԱՆԱՆԱԿՈՐԿԵԼ Է

ՄԵՂԱԳԻՐԱՆՔ՝ ԶԿՐ ՊԱՇՏՈՆԱՏԱՐ ԱՆՉԻՆ

ՀՀ հակակոռուպցիոն կոմիտեում նախաձեռնված ֆրեական վարույթի օրջանակում բացահայտվել են ՀՀ ֆրեական սարողական ծառայության «Գասադարսյակների հիվանդանոց» ֆրեական սարողական հիմնարկի օտերաքիվ բաժնի ղեկի ղեկավար Ա. Ա.-ի կողմից նույն ՔԿՀ-ի կաբանավորից եւ դատադարսյակից կաբաբ սասնալու դեղիբ:

Նախաքննությամբ փաստական տվյալներ են ձեռք բերվել այն մասին, որ Ա. Ա.-ն ՔԿՀ հիմնարկի դատապարտյալ Ա. Ա.-ի օգտին հովանավորչության եւ թողտվության, այն է՝ վերջինիս նկատմամբ բարեհաճ վերաբերմունք դրսեւորելու եւ խնդիրներ չստեղծելու, ինչպես նաեւ արգելված առարկա հանդիսացող բջջային հեռախոսը չառգրավելու համար դատապարտյալից պահանջել է 200.000 ՀՀ դրամ կաշառք: Դրանից հետո՝ 2022 թվականի մայիսի 30-ին, կաշառքի հիշյալ գումարը դատապարտյալ Ա. Ա.-ի կնոջ բանկային հաշվից փոխանցվել է ՔԿՀ պաշտոնյայի՝ Ա. Ա.-ի կնոջ անվամբ գրանցված, սակայն փաստացի Ա. Ա.-ի կողմից տնօրինվող բանկային հաշվին:



Բացի այդ, վերը նշված պաշտոնատար անձը նույն քրեականարողական հիմնարկի կալանավոր, քրեական աստիճանակարգության բարձրագույն կարգավիճակ ունեցող, «օրենքով գող» Ա. Դ.-ի օգտին նույնպես բարեհաճ վերաբերմունք դրսեւորելու, խնդիրներ չստեղծելու, ինչ-

պես նաեւ բջջային հեռախոսը չառգրավելու համար հիշյալ կալանավորից պահանջել է վերջինիս հետ փոխկապակցված անձանց կողմից վճարային տերմինալներից տարբեր օրերին կատարված փոխանցումների միջոցով ստացել է ընդհանուր 448.600 ՀՀ դրամ կաշառք, որը կրկին փոխանցվել է իր կնոջ բանկային հաշվեհամարին:

2023թ. փետրվարի 28-ին հիշյալ քրեական վարույթի շրջանակում ձերբակալվել է չորս անձ:

2023թ. մարտի 2-ին «Դատապարտյալների հիվանդանոց» ՔԿՀ դատապարտյալ Ա. Ա.-ին մեղադրանք է ներկայացվել՝ 436-րդ հոդվածի 2-րդ մասի 3-րդ կետով, իսկ հիշյալ ՔԿՀ-ի օպերատիվ բաժնի պետի տեղակալ Ա. Ա.-ին մեղադրանք է ներկայացվել՝ ՀՀ քրեական օրենսգրքի 435-րդ հոդվածի 2-րդ մասի 3-րդ կետով (2 դրվագ):

Նույն օրը քննիչի կողմից միջնորդություն է ներկայացվել Երեւան քաղաքի ընդհանուր իրավասության դատարան՝ Ա. Ա.-ի նկատմամբ կալանավորումը որպես խափանման միջոց ընտրելու համար, որը բավարարվել է: Նախաքննությունը շարունակվում է:

ԼՈՒՐԵՐ

ՏԵՂՈՒՄ ՄԱՐԱՅԵԼ Է

Արագածոտնի մարզում երեկ՝ մարտի 3-ին, խոշոր ու ողբերգական ավտովթար է տեղի ունեցել. ժամը 08:40-ի սահմաններում Երեւան-Վանաձոր ավտոճանապարհի Ծիլքար գյուղի վարչական տարածքում բախվել են վրացական համարանիշներով Mercedes GL եւ Volkswagen մակնիշի ավտոմեքենաները:

Վթարի հետեւանքով 1 հոգի տեղում մահացել է: Վթարի փաստով նախաձեռնվել է վարույթ: Ոստիկանությունն ու քննչական վարչությունը պարզում են վարորդների եւ մահացածի ինքնությունը:

Քննիչի հանձնարարականով՝ ավտոմեքենաները տեղափոխվել են Ոստիկանության Արագածի բաժնի պահպանվող հատուկ տարածք:

ԱՎՏՈՎԹԱՐ

Մարտի 2-ին՝ ժամը 22:26-ին, Սյունիքի մարզային ճգնաժամային կառավարման կենտրոն ահազանգ է ստացվել, որ Կապան քաղաքի Հունան Ավետիսյան փողոցի վերջնամասում տեղի է ունեցել ավտովթար. կան տուժածներ, անհրաժեշտ է փրկարարների օգնությունը:

Պարզվել է, որ բախվել են Mercedes-Benz (վարորդ՝ Ս. Խ.)՝ ծնված 1983 թ.) եւ Toyota Camry (վարորդ՝ Ռ. Հ.)՝ ծնված 1981 թ.) մակնիշների ավտոմեքենաները:

Փրկարարները Toyota Camry մակնիշի ավտոմեքենայի վարորդին եւ ուղեւոր Վ. Օ.-ին մոտեցրել են շտապօգնության ավտոմեքենային: Տուժածները հոսպիտալացվել են Կապանի ԲԿ, որտեղ բժիշկները նրանց առողջական վիճակը գնահատել են բավարար:

Փրկարարները հոսանքազրկել են ավտոմեքենաները:

ՄԵՔԵՆԱՆ ԱՅՐՎԵԼ Է

ԱԻՊԾ ճգնաժամային կառավարման կենտրոնում մարտի 3-ին՝ ժամը 09:07-ին, Ստեփանակերտ քաղաքի բնակչից ահազանգ է ստացվել, որ Դ. Բեկ փողոցում հրդեհ է բռնկվել:

Հրդեհաշիջման աշխատանքներ իրականացնելու եւ բնակչությանն օգնություն ցուցաբերելու նպատակով դեպքի վայր է մեկնել հրշեջ փրկարարական մեկ մարտական հաշվարկ:

ՆԳՆ արտակարգ իրավիճակների պետական ծառայության փոխանցմամբ՝ տեղ հասնելուց պարզվել է, որ հրդեհը մարվել է ձեռքի միջոցներով: Փրկարարները հոսանքազրկել են ավտոմեքենան, գննել եւ համոզվելով, որ վտանգ չի սպառնում, վերադարձել են մշտական տեղակայման վայր:

Այրվել է «ՎԱԶ-2106» մակնիշի ավտոմեքենայի շարժիչի խցիկը: Դեպքի առթիվ ստուգումներ է իրականացնում ծառայության պետական հրդեհային եւ տեխնիկական անվտանգության տեսչությունը:

● Ըստ ոստիկանության տվյալների՝ մարտի 2-ից 3-ը Հայաստանի Հանրապետությունում բացահայտել են հանցագործության 61 դեպք, որոնցից 12-ը՝ նախկինում կատարված:



ՍՈՑԻԱԼԱԿԱՆ

«ԱԿԲԱ» ԲԱՆԿ

ՄԻԱՑԵԼ Է ԾՐԱԳՐԻՆ

«Ակբա» բանկը միացել է ՄԱԿ-ի կողմից իրականացվող «Կանանց հզորացման սկզբունքներ» ծրագրին (WEPs), որի նպատակն աշխատավայրերում, համայնքներում ու բիզնես ոլորտում կանանց հզորացումն է ու գենդերային հավասարության խթանումը:

«Մենք միացել ենք ՄԱԿ-ի կողմից իրականացվող «Կանանց հզորացման սկզբունքներ» ծրագրին, որպեսզի խթանենք վերջինիս սկզբունքների տարածումն ու զարգացումը: Այդ սկզբունքների նպատակը, առաջին հերթին, հավասարության սահմանում է՝ սկսած աշխատանքային բարվոք պայմաններից մինչև առողջության, անվտանգության, բարեկեցության, կրթության ու մասնագիտական զարգացման հավասար հնարավորությունների ստեղծում: Պետք է ընդգծել, որ այս ծրագրին անդամակցելով՝ մենք ոչ թե նոր պարտավորություն ենք ստանձնում, այլ վերահաստատում ենք եւ ընդգծում մեր կողմից վաղուց որդեգրված քաղաքականությունը: Կանայք չափազանց կարեւոր դեր են խաղում բոլոր բնագավառներում», - նշել է «Ակբա» բանկի բիզնես գործառնությունների համակարգման գծով գլխավոր գործադիր տնօրենի տեղակալ Արսեն Մելքոնյանը:

Միջոցառման շրջանակում տեղի է ունեցել նաեւ պանելային քննարկում «Կանանց հզորացման սկզբունքները. հավասարություն աշխատավայրում» թեմայով: «Ակբա» բանկը Հայաստանի խոշորագույն գործատուներից մեկն է, որտեղ աշխատում է իգական սեռի շուրջ 1100 ներկայացուցիչ, ինչը կազմում է բանկի ընդհանուր աշխատակիցների շուրջ 65%-ը:

Բանկը վերահսկվում է ՀՀ ԿԲ կողմից:

Fitch-ը ԲԱՐՉՐԱՑՐԵԼ Է ՎԱՐԿԱՆԻՉԸ

Հեղինակավոր Fitch վարկանիշային գործակալությունը (Fitch Ratings) վերանայել է «Ակբա» բանկին շնորհած «Երկարաժամկետ պարտավորություններ թողարկողի» B+ վարկանիշի (long-term Issuer Default Rating IDR) հեռանկարը՝ «Կայունից» բարձրացնելով «Դրականի»:

Գործակալության հրապարակած զեկույցում նշված է, որ վերանայումը պայմանավորված է ՀՀ վարկանիշի հեռանկարի ու բանկի վարկային պորտֆելի որակի բարելավմամբ, ինչպես նաեւ ներգրավվող ռեսուրսների եւ իրացվելիության մակարդակի ամրապնդմամբ:

Fitch-ի կողմից հրապարակված հաշվետվությունում նաեւ նշվում է, որ, վերջինիս ակնկալիքով, տնտեսական դրական պայմանները կպահպանվեն եւ կնպաստեն բանկի ֆինանսական կայունության ամրապնդմանը, շահութաբերության աճին, իրացվելիության մակարդակի բարձրացմանը, իսկ բանկի ակտիվների որակը կշարունակի մնալ բարձր:

Բանկը վերահսկվում է ՀՀ ԿԲ կողմից:

ԳԵՐՄԱՆԻԱ

ՀՆԱՐԱՎՈՐՈՒԹՅՈՒՆՆԵՐ ԵՆ ԲԱՑՎՈՒՄ

Գերմանիայի հեռուստատեսության ընդհանուր շահույթը նախորդ տարի զգալի աճ է գրանցել. աճել է ինչպես ներմուծումը, այնպես էլ արտահանումը: Հայաստանը նախորդ տարի նաեւ վերականգնել է իր տեղը Գերմանիայի միջազգային համագործակցության երկրների ցանկում, ինչի արդյունքում ավելի լայն համագործակցության հնարավորություններ են բացվում: Այս մասին լրագրողների հեռուստացուցում ասաց ՀՀ էկոնոմիկայի նախարարի տեղակալ Ռաֆայել Գետրոյանը, որը Գերմանիայում է ՀՀ վարչապետի գլխավորած դասվիրակության կազմում:

Փոխնախարարը նշեց, որ այցի օրակարգում կան տնտեսական հարցեր: «Վարչապետն իր խոսքում էլ որոշակի հղումներ կատարեց տնտեսական օրակարգին: Նշվեց «կանաչ ջրածնի» հնարավոր համագործակցության դաշտի մասին: Մեր կարծիքով՝ դա բավականին հեռանկարային է», - ասաց փոխնախարարը:

Ըստ ՀՀ վիճակագրական կոմիտեի հրապարակած տվյալների՝ Հայաստանից Գերմանիա արտահանումը 2022 թվականին կազմել է 106 մլն 72.2 հազար դոլար, ինչը, 2021-ի համեմատ, աճել է 36.7 տոկոսով, իսկ ներմուծումը նախորդ տարի կազմել է 457 մլն 46.3 հազար դոլար, ինչը, 2021-ի համեմատ, ավելի է 2.1 անգամ:

Փոխնախարարը նկատեց՝ այդ բավականին մեծ աճը եվրոպական կողմում որոշակի շրջանակներում անհանգստություն է առաջացրել՝ այն մտավախությամբ, թե արդյոք դրանք ինչ-որ ձեռնարկներ են Ռուսաստանի նկատմամբ արեւմտյան սանկցիաների շրջանցմանը:

«Կան մի շարք այլ պատճառաբանություններ, թե ինչու է առեւտրաշրջանառությունը նման աճ գրանցել: Երբ աշխարհում մատակարարման որոշ շղթաներ փոխվում են, տրամաբանական է, որ տնտեսավարողները փորձում են գտնել նոր շղթաներ: Եվ Հայաստանն այդ մատակարարման շղթաների մեջ ունի իր դիրքը: Դա փորձում ենք լավագույնս օգտագործել՝ ամենեւին չնախատեսելով գոյություն ունեցող երկկողմանի պատժամիջոցների միջավայրը: Մենք աջակուրջ հետեւում ենք բոլոր գործարքներին եւ հետեւողական ենք, որ բոլոր տեսակի օրենսդրական պահանջները պահպանենք», - վստահեցրեց փոխնախարարը:

Նա հիշեցրեց, որ Հայաստանը որոշ ժամանակ դուրս էր մնացել Գերմանիայի միջազգային համագործակցության երկրների ցանկից, սակայն անցյալ տարի հաջողվել է վերականգնվել:

«Եվ մենք այսուհետ նույնպես կլինենք Գերմանիայի երկկողմ համագործակցության երկրների ցանկում: Սա նշանակում է, որ բավականին հետաքրքիր հնարավորություններ են բացվում ավելի լայն համագործակցության, ավելի խոշոր ֆինանսական ծրագրեր կարող են ներգրավվել Հայաստանում: Այս առումով աշխատանքները շարունակվում են», - ասաց Ռաֆայել Գետրոյանը:



Երկու երկրները տարբեր ոլորտներում ունեն բավականին հազեցած օրակարգ: Անդրադառնալով տնտեսականին՝ փոխնախարարն ասաց, որ փոքր ու միջին ձեռնարկությունների զարգացումից սկսած մինչև խոշոր արդյունաբերական ներդրումներ տեղ են գտել այդ օրակարգում: «Կարծում եմ՝ հենց այդ ուղղությամբ էլ համագործակցությունը պետք է շարունակել: Կարծում ենք, որ այն պայմանագրային ու իրավական դաշտը, որ այսօր գոյություն ունի Հայաստանի եւ Գերմանիայի միջև, թույլ է տալիս խոսել խոշոր ներդրումային ծրագրերի մասին, եւ այդ ուղղությամբ առաջիկայում ակտիվ աշխատանք ենք տանելու», - նշեց Գետրոյանը:

Նա հնարավոր համարեց Հայաստանի ու Գերմանիայի միջև առաջիկայում վերամշակման ոլորտում որոշակի համագործակցություն սկսելը:

«ԱՄԵՐԻԱԲԱՆԿ»

ԳՐԱՆՑԵԼ Է ԿՐԿՆԱԿԻ ԱՃ

«Ամերիաբանկ»-ի փոքր եւ միջին ձեռնարկատիրական (ՓՄՁ) վարկային դորսֆելը 31.12.2022-ի դրությամբ կազմել է 163,6 մլրդ ՀՀ դրամ եւ վերջին հինգ տարվա կրկնապատկում է կրկնակի աճ: Չզայի աճ է արձանագրել նաեւ «Ամերիաբանկ»-ի ՓՄՁ հաճախորդների թիվը՝ 2018 թ.-ի համեմատ ավելանալով 6 անգամ, իսկ ՓՄՁ-ներին սրված վարկերի քանակն ավելացել է 5.5 անգամ:

2018 թվականից բանկը գործարկել է «Ամերիա բիզնես» էկոհամակարգը, որը գործում է մեկ պատուհանի սկզբունքով՝ առաջարկելով առանց բանկ այցելելու հաշիվ բացել «Ամերիաբանկ»-ում, ստանալ քարտ եւ Օլայն/Մոբայլ բանկինգ, դիմել վարկավորման համար, ինչպես նաեւ օգտվել այլ ծառայություններից ու արտոնություններից:

2022 թ.-ի ընթացքում մինչև 10 մլն դրամ վարկավորման դեպքում «Ամերիաբանկ»-ի 10 հաճախորդից 7-ը վարկը ստացել է օնլայն՝ business.ameriabank.am հարթակի միջոցով:

ՓՄՁ ոլորտում «Ամերիաբանկ»-ի կողմից կատարված ներդրումները ամփոփվել են «Եռակի լավագույնը» արձամի շրջանակում, որտեղ փոքր եւ միջին գինեգործական ընկերությունների կարեւորության, կայուն բիզնես գործընկերության եւ «Ամերիաբանկ»-ի հետ համագործակցության մասին է պատմում «Վան Արդի» գիտնականության հիմնադիր Վարուժան Մուրադյանը:

«Ամերիաբանկ»-ը 2022 թ.-ին միջազգային առաջատար երեք ամսագրերի՝ The Banker-ի, Euromoney-ի եւ Global Finance-ի կողմից ճանաչվել է տարվա «Լավագույն բանկը» Հայաստանում, ինչի առթիվ էլ մեկնարկել է «Եռակի լավագույնը» արձամի՝ «Լավագույն հնարավորությունը ստեղծում են մարդիկ» կարգախոսով: Արձամի նվիրված է վերջին տարիներին բանկի ձեռքբերումների հետեւում կանգնած բոլոր մարդկանց՝ հաճախորդներից ու գործընկերներից մինչև աշխատակիցներ:

«Ամերիաբանկ»-ը ֆինանսական եւ տեխնոլոգիական առաջատար հաստատություն է, ՀՀ տնտեսական ոլորտի նշա-

նակալի դերակատարներից մեկը, որի ակտիվները գերազանցում են 1 տրիլիոն ՀՀ դրամը: Ընթանալով թվայնացման ճանապարհով՝ բանկը ներդրել է մի շարք նորարար ծրագրեր ու հարթակներ եւ շարունակում է կատարելագործել դրանք՝ ձեռավորելով մարդու տարատեսակ կարիքների բավարարմանն ուղղված, դինամիկ զարգացող ֆինանսատեխնոլոգիական միջավայր:

«Ամերիա»-ն առաջինը Հայաստանում ստեղծել է էկոհամակարգեր ՓՄՁ-ների եւ անհատների համար՝ ապահովելով հասանելիություն բանկային եւ ոչ բանկային մի շարք ծառայությունների մեկ պատուհանի սկզբունքով՝ Estate.ameriabank.am, Automarket.ameriabank.am, Sme.ameriabank.am:

Լինելով հաճախորդամետ՝ «Ամերիա»-ն ձգտում է ժամանակակից թվային աշխարհում ապահովել սպասարկման բարձր որակ՝ վստահելի եւ անվտանգ միջավայրում առաջարկելով կյանքի որակը բարելավելու ամբողջական լուծումներ:

Բանկը վերահսկվում է ՀՀ կենտրոնական բանկի կողմից:

«Պոլովորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅՑ

# ՀՊԿՆ-Ն ԵՇՈՒՄ Է 60-ԱՄՅԱԿԸ

ArmLur.am-ը ՀՀ ԿԳՄՍՆ հասարակայնության հետ կապերի և սեղեկավորության վարչությունից սեղեկացավ, որ Հայաստանի դեսպան կամերային նվագախումբը նույն է հիմնադրման 60-ամյակը:

Այս կապակցությամբ «Արամ Խաչատրյան» համերգասրահում տեղի է ունեցել հոբելյանական գալա համերգ, որին ներկա են եղել կրթության, գիտության, մշակույթի և սպորտի նախարար Ժաննա Անդրեասյանը և նախարարի տեղակալ Արա Խզմայանը:

ԿԳՄՍ նախարարը շնորհավորել է երաժշտական կոլեկտիվին հոբելյանի կապակցությամբ և ընդգծել նվագախմբի նվիրյալների վաստակը կամերային երաժշտության տարածման, միջազգային հարթակներում հայ կատարողական արվեստը ներկայացնելու գործում:

«Ուրախալի է, որ այսօր էլ Հայաստանի պետական կամերային նվագախումբը հանդես է գալիս իբրև ամենակատիվ երաժշտական կոլեկտիվներից մեկը: Բոլորովին վերջերս նվագախումբը նախարարության նախաձեռնությամբ և աջակցությամբ փայլուն ելույթներով հանդես է եկել Գերմանիայի Սաքսոնիա-Անհալթ երկրամասում: Արձագանքներն ավելի քան տպավորիչ են:

Վստահ եմ, որ նվագախումբը շարունակելու է մնալ կամերային երաժշտության տարածման առաջատարը և բարձր մասնագիտական ու գեղարվեստական չափանիշների պահպանող: Ի սրտե շնորհավորում եմ նվագախմբին, կամերային երաժշտության ազգային կենտրոնի ղեկավարությանը և երաժշտասեր հանրությանը հոբելյանի կապակցությամբ»,- ասվել է ուղերձում: Համերգի շրջանակում Հայաստանի պետական կամերային նվագախմբում ունեցած նշանա-



կալի ավանդի, երկարամյա գործունեության, ինչպես նաև նվագախմբի հիմնադրման 60-ամյա հոբելյանի կապակցությամբ Հայաստանի պետական կամերային նվագախմբի կոնցերտայստեր, ջութակահար Աստղիկ Բագրատի Վարդանյանը պարգևատրվել է Հայաստանի Հանրապետության կրթության, գիտության, մշակույթի և սպորտի նախարարության մեդալով: Համերգի ընթացքում հնչել են հայ և համաշխարհային երաժիշտների ստեղծագործություններից, այդ թվում՝ Կոմիտասի, Է. Միրզոյանի, Է. Բաղդասարյանի, Մոցարտի, Բեթհովենի, Վիվալդիի:

Նվագախմբի հետ կատարումներով հանդես են եկել ՀՀ վաստակավոր արտիստներ Նիկոլայ Մադոյանը, Նարեկ Հախնազարյանը, ՀԽՍՀ ժողովրդական արտիստ Ավետյանա Նավասարդյանը, դիրիժորներ Ռոբերտ Մլեքյանը, Զավեն Վարդանյանը, Հմայակ Դուրգարյանը: Նվագախմբին միացել են նաև «Հովեր» և Հայաստանի պետական կամերային երգչախմբերը:

ԼԵ.

ԼՈՒՐԵՐ

## ԿԵՐԿԱՐԱԶԳԻ ՊԱՅՄԱՆԱԳԻՐԸ

Միլանի «Ինտերի» և Թուրքիայի հավաքականի 29-ամյա կիսապաշտպան Հակոբ Չալիանսոզլուն կերկարաձգի պայմանագիրն իտալական ակումբի հետ:

«Հպարտ եմ, որ մնալու եմ «Ինտերում»: Ցանկանում եմ հետագայում էլ խաղալ այստեղ: «Ինտերն» առանձնահատուկ ակումբ է», - ասել է ֆուտբոլիստը:

Չալիանսոզլուի գործող պայմանագիրը նախատեսված է մինչև 2024թ. հունիս: Նա «Ինտեր» է տեղափոխվել 2021-ին գերմանական «Բայերից»: Չալիանսոզլուն ծնվել է Գերմանիայում և հանդես է եկել նաև «Կառլսրուեում» և «Համբուրգում»:

Ընթացիկ մրցաշրջանում Չալիանսոզլուն «Ինտերի» հետ մասնակցել է 32 հանդիպման, խփել է 3 գոլ, կատարել 6 գոլային փոխանցում: Transfermarkt-ը ֆուտբոլիստի տրանսֆերային արժեքը գնահատում է 35 միլիոն եվրո:

## ՇՐՋԱԳԱՅՈՒԹՅՈՒՆՆԵՐ՝ ԸՈՒՐԵՐՈՒՄ

Ադրբեջանի իշխանությունները շրջապայություններ են կազմակերպում օկուպացված հայկական Շուշի քաղաքում:

Ըստ ադրբեջանական լրատվամիջոցների՝ շրջապայությունները լինելու են «մեծ վերադարձի քաղաքականության» մի մասը, ընդ որում՝ օկուպացված հայկական քաղաք կարող են այցելել 18 տարեկանից բարձր անձինք:

Առաջին տուրիստական ուղեւորությունները կիրականացվեն Նովրուզ տոնի նախաշեմին շաբաթական մեկ անգամ՝ սկսած մարտի 18-ից: Հաջորդ փուլում նախատեսվում է ավելացնել տուրերի քանակը:

## ՏՐԱՆՍՖԵՐԱՅԻՆ ԱՌԱՋԱՐԿ

Իսպանիայի չեմպիոն և Չեմպիոնների լիգայի գավաթակիր Մադրիդի «Ռեալն» ամառային տրանսֆերային պատուհանի ժամանակ 220 միլիոն եվրո կառաջարկի Ֆրանսիայի չեմպիոն ՊՍԺ-ին Ֆրանսիայի հավաքականի 24-ամյա հարձակվող Կիլիան Մբապեի տրանսֆերի համար:

Անցած ամռանը Մբապեն կարող էր անվճար տեղափոխվել Արքայական ակումբ, սակայն նոր պայմանագիր կնքեց փարիզյան ակումբի հետ: Այն նախատեսված է մինչև 2024թ. հունիս և մեկ տարով երկարաձգման հնարավորությամբ:

Ընթացիկ մրցաշրջանում Մբապեն ՊՍԺ-ի հետ մասնակցել է 29 հանդիպման, խփել է 29 գոլ, կատարել 7 գոլային փոխանցում:

Transfermarkt-ը Մբապեի տրանսֆերային արժեքը գնահատում է 180 միլիոն եվրո:

ԿԱԿԱԶՆԵՐ

# ԻՆՉՊԵՄ ԵՆ ԴԻՄԱՎՈՐԵԼ ԳԱՐՆԱՆ ԱՌԱՋԻՆ ՕՐԸ

Գարնան առաջին օրը հրաժեհ սվեցինք գրառույնի ձևով և բարի գալուստ մաղթեցինք գարնան արեալուստ օրերին: Իհարկե, ոմանց համար գարնան առաջին օրը առանձնահատուկ էր, իսկ ոմանց համար էլ սովորական, հերթական մի օր էր: ArmLur.am-ը ներկայացնում է այն հայ հայցնիներին, որոնք գարնան առաջին օրը դիմավորել են գեղեցիկ ծաղիկներով և մեծ սղախումներով:

«Միսս Հայաստան» մրցույթի հաղթող, հարդրավարուհի Լուսինե Թովմասյանն օրն առանձնացրել է գարնանային ֆոտոշարքով:

Դերասանուհի Էմմա Սապուբջյանն օրվա առթիվ հումորային գրառում է արել. «Իմ դեմքը, երբ հասկացա, որ արդեն գարուն է»:

Դերասանուհի Աստղիկ Ալավերդյանը հրապարակել է կակաշների գեղեցիկ փնջով լուսանկար և իր սերն արտահայտել հետաքրքիր գրառմամբ. «Ինձ թվում է՝ եթե ես մարդ չեմ լինի, ապա հաստատ ծաղիկ էի լինելու...»:

Երգչուհի Հռիփսիմե Հակոբյանն օրվա առթիվ հրապարակել է գեղեցիկ դեղին կակաշներով լուսանկար: «Գարուն». վերնագրով է նկարը:



● Մարտի 6-ին «Մեցքո» ակումբում տեղի կունենա «The Band» համերգ-փառատունը: Տոմսերի արժեքը՝ 4000 դրամ: Սկիզբը՝ ժամը 21:00-ին:



Էջը՝ ՌՈՋԱ ՊՈՐՈՍՅԱՆԻ

ՔԱՂԱՔԱԳԻԱԿԱՆ ԺԱՌԱՅՈՒԹՅԱՆ ԽՈՐՀՈՒՐԴԻ ԱՆԳԿԱԳՆՈՒՄ Է ԾԱՌԱՅՈՒԹՅԱՆ ԲՆՈՒՅՈՒՄ:

ՀԱՐՑ. Ես ուզում եմ իմանալ՝ կան արդյոք դեղեր, երբ քաղաքացիական ծառայության խորհուրդն անցկացնում է ծառայողական բնույթի: Եթե այո, ապա խնդրում եմ նշել մի քանի դեղ:

Արմեն Սահակյան (37 տարեկան, օպերատոր)



ՊԱՏԱՍԽԱՆ. Հայտնում ենք, որ ծառայողական քննություն անցկացվում է՝

ա) եթե քաղաքացիական ծառայողը ծառայողական քննություն անցկացնելու մասին համապատասխան գրավոր պահանջ է ներկայացրել խորհրդին,

բ) եթե քաղաքացիական ծառայողի նկատմամբ մեկ տարվա ընթացքում արդեն կիրառվել է «խիստ նկատողություն», «օրենքով սահմանված կարգով աշխատավարձի իջեցում», «քաղաքացիական ծառայության ավելի բարձր դասային աստիճանի (բացառությամբ քաղաքացիական ծառայության բարձրագույն դասային աստիճանի) իջեցում» մեկ աստիճանով» կարգապահական տույժերից որեւէ մեկը, եւ քաղաքացիական ծառայողի նկատմամբ կարգապահական տույժ կիրառելու իրավասություն ունեցող պաշտոնատար անձը դիմել է քաղաքացիական ծառայողի նկատմամբ «խիստ նկատողություն», «օրենքով սահմանված կարգով աշխատավարձի իջեցում», «քաղաքացիական ծառայության ավելի բարձր դասային աստիճանի (բացառությամբ քաղաքացիական ծառայության բարձրագույն դասային աստիճանի) իջեցում» մեկ աստիճանով» կարգապահական տույժերից որեւէ մեկը կիրառելու նպատակով խորհրդի համաձայնությունը ստանալու համար,

գ) եթե քաղաքացիական ծառայողի նկատմամբ կարգապահական տույժ կիրառելու իրավասություն ունեցող պաշտոնատար անձը դիմել է քաղաքացիական ծառայողի նկատմամբ «զբաղեցրած պաշտոնից ազատում» քաղաքացիական ծառայության խորհրդի համաձայնությամբ» կարգապահական տույժը կիրառելու նպատակով խորհրդի համաձայնությունը ստանալու համար,

դ) եթե քաղաքացիական ծառայողին պաշտոնում նշանակելու իրավասություն ունեցող պաշտոնատար անձը դիմել է օրենքով սահմանված փորձաշրջանը չանցնելու հիմքով քաղաքացիական ծառայողին զբաղեցրած պաշտոնից ազատելու նպատակով խորհրդի համաձայնությունը ստանալու համար:

ՀՀ քաղաքացիական ծառայության խորհուրդ

«ԺՈՂՈՎՈՒՐԳ». Այսպիսով, քաղաքացիական ծառայողը, բացի աշխատանքի ընդունվելու քննություններ հանձնելուց, պետք է խիստ պարտաճանաչ լինի նաեւ աշխատանքային գործունեության ընթացքում: Բացթողումներն, ինչպես տեսնում ենք, հեշտությամբ չեն ներվում:

ԿԱՐԳ

ՀԱՐՑ. Խնդրում եմ ասել, թե ինչ հիմնով կարող է մեծվել օտարերկրացուն կացության կարգավիճակ սպու ընթացակարգը:

Դիանա Ստեփանյան (42 տարեկան, տնային տնտեսուհի)



ՊԱՏԱՍԽԱՆ. Տեղեկացնում ենք, որ, որպես ընդհանուր կանոն, օտարերկրացուն կացության կարգավիճակ տալը կարող է մերժվել, եթե՝

-նա արտաքսվել է ՀՀ տարածքից կամ նախկինում զրկվել է կացության կարգավիճակից (եւ եթե արտաքսման կամ կացության կարգավիճակից զրկելու մասին որոշումից անցել է 3 տարուց պակաս ժամկետ),

-նա դատապարտվել է ՀՀ-ում ծանր կամ առանձնապես ծանր հանցագործություն կատարելու համար,

-գոյություն ունեն հավաստի տվյալներ, որ նա ցանկանում է վնաս պատճառել ՀՀ պետական անվտանգությանը, սահմանադրական կարգին, թուլացնել պաշտպանունակությունը, իրականացնել ահաբեկչական գործունեություն, մարդկանց առեւտուր (թրաֆիքինգ) եւ այլն,

- նա տառապում է վարակիչ հիվանդությամբ, որը սպառնում է բնակչության առողջությանը,

-կացության կարգավիճակ ստանալու համար նա ներկայացրել է կեղծ տեղեկություններ կամ չի ներկայացրել անհրաժեշտ փաստաթղթեր:

ՀՀ Սփյուռքի գործերի գլխավոր հանձնակատարի գրասենյակ

«ԺՈՂՈՎՈՒՐԳ». Նշենք, որ 2013թ. Հայաստանի Հանրապետությունում ապաստանի հայցով դիմել է 320 անձ: Նրանցից 259-ը ճանաչվել է փախստական եւ ստացել ապաստան:

ԼՈՒՐ ԿԱՐԴ

Լուսանկարն արվել է Դիլիջանում



Բնություն բաց թողնված կովկասյան ազնվացեղ եղջերուները զբոսանքի են դուրս եկել Դիլիջան քաղաքի բակերից մեկում: Եղջերուների մասնակցությամբ տեսանյութը հայտնվել է համացանցում:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

Subscription form with fields for name, address, phone, and a checkbox for 'no cash'.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 3.03.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: